

Na osnovu člana 5. stav (1) i člana 9. Odluke o zakupu poslovnih prostora ("Službene novine Grada Zenica" broj: 3/18, 7/24, 7/25), člana 2., člana 3. i člana 8. Pravilnika o procedurama davanja u zakup poslovnih prostora („Službene novine Grada Zenica“ broj: 6/18) te Zaključka Gradonačelnika broj: 02-45-17698/26 od 11.09.2026. godine, Grad Zenica, putem Službe za privredu i gradsku imovinu objavljuje

JAVNI OGLAS **za davanje u zakup poslovnih prostora**

Predmet javnog oglasa je davanje u zakup poslovnih prostora koji su u vlasništvu i na upravljanju Grada Zenica.

PREGLED SLOBODNIH POSLOVNIH PROSTORA

R. br.	Adresa	Površina m²	Početna cijena u KM/m² (bez PDV-a)	Namjena	Obavezni iznos novčanog pologa/kaucije u KM
1.	Maršala Tita broj 15	58,50	18,90	I grupa djelatnosti	3.880,80
2.	Bulevar Kulina bana broj 8*	31,40	9,00	II grupa djelatnosti	991,90
3.	Dr. Hasana Muminagića bb*	115,02	9,00	II grupa djelatnosti	3.514,90
4.	Šerbin sokak broj 6 *	42,93	9,00	II grupa djelatnosti	1.356,20
5.	M. S. Serdarevića broj 1**	13,00	11,00	II grupa djelatnosti	501,90
6.	M. S. Serdarevića broj 6	18,14	11,00	II grupa djelatnosti	700,40
7.	Željeznička broj 8C*	130,00	6,00	II grupa djelatnosti	2.579,90
8.	Željeznička broj 19	52,30	6,00	II grupa djelatnosti	1.101,50
9.	Dr. Ćire Truhelke broj 10***	9,55	4,00	Skladište	134,00
10.	Dr. Ćire Truhelke broj 10	85,77	4,00	III grupa djelatnosti	1.204,20
11.	Prve zeničke brigade broj 21	28,80	6,00	II grupa djelatnosti	606,60
12.	Prve zeničke brigade broj 15	56,00	6,00	II grupa djelatnosti	1.179,40
13.	Sarajevska broj 18	134,10	9,00	II grupa djelatnosti	3.966,90
14.	Mejdandžik broj 1***	6,80	6,00	Skladište	143,20
15.	Armije BiH broj 15*	126,00	7,50	II grupa djelatnosti	3.145,80
16.	Armije BiH broj 26*	13,50	13,30	I grupa djelatnosti	630,20
17.	Društveni dom MZ Perin Han	116,80	4,33	Café slastičarna	1.711,30

* poslovnom prostoru nije moguće obavljati ugostiteljsku djelatnost

** u poslovnom prostoru nema mokrog čvora (nije moguće obavljati ugostiteljsku djelatnost)

*** u poslovnom prostoru nema priključak za električnu energiju niti priključak za vodu

Početna cijena zakupnine utvrđena je u skladu s čl. 31., čl. 32. i čl. 34. Odluke o zakupu poslovnih prostora („Službene novine Grada Zenica“ br. 3/18, 7/24, 7/25).

1. Javni oglas bit će otvoren 15 dana od dana objavljivanja odnosno do 30.09.2026. godine.
2. Krajnji rok za podnošenje prijave/ponuda na protokol Grada Zenice je najkasnije do 30.09.2026. godine do 10:00 sati.
3. Postupak javnog oglasa provest će Komisija koju imenuje Gradonačelnik.
4. Pravo podnošenja pisane ponude odnosno prijave za učešće u javnom oglasu imaju sva fizička lica, obrtnici, te pravna lica registrovana u Bosni i Hercegovini.
5. Jedno lice ima pravo podnijeti samo jednu prijavu/ponudu po jednom poslovnom prostoru. Jedno lice ne može podnijeti prijavu/ponudu i kao fizičko lice i kao ovlašteni zastupnik pravnog lica. Ukoliko lice, suprotno naprijed navedenom, podnese više od jedne prijave, Komisija će odbaciti sve ponude tog lica.
6. Ponude se podnose na protokol Grada Zenice u zapečaćenoj koverti sa naznakom "Služba za privredu i gradsku imovinu
Prijava na javni oglas za izdavanje poslovnih prostora - NE OTVARATI".
Obrasci za Prijavu na javni oglas mogu se preuzeti na info pultu Gradske uprave ili na web stranici Grada www.zenica.ba.

7. Prijava/ponuda obavezno sadrži:

- podatke o podnosiocu ponude:
 - za fizička lica: ime i prezime, adresa, broj lične karte i broj telefona;
 - za pravna lica: naziv, adresa i sjedište, ID broj i broj telefona;
 - za obrte: naziv obrta, ime i prezime obrtnika, ID broj, sjedište obrta, broj telefona;
- iznos ponuđene zakupnine po metru kvadratnom, bez PDV-a;
- naziv djelatnosti koja će se obavljati u poslovnom prostoru;
- potpis podnosioca prijave/ovlaštenog lica;

Uz prijavu obavezno priložiti:

- dokaz o uplati pologa/kaucije (svi učesnici dostavljaju);
- ovjerenu izjavu (svojeručno sačinjenu ili na obrascu koji se može preuzeti na info pultu Gradske uprave i na web stranici Grada www.zenica.ba) da podnosilac ponude nema duga prema Gradu Zenica po osnovu KGZ, KN, zakupnine ili po bilo kojem osnovu (svi učesnici dostavljaju);
- potvrda banke o otvorenom računu uplatioca novčanim sredstava (svi učesnici dostavljaju);
- za fizička lica: kopija lične karte;
- za pravna lica i obrte:
 - rješenje o upisu u sudski ili drugi registar / rješenje o registraciji djelatnosti (obrta) - ovjerena kopija,
 - uvjerenje o poreznoj registraciji (ID broj) - ovjerena kopija,
 - uvjerenje o upisu u jedinstveni registar obveznika indirektnih poreza (PDV broj) – ako je u sistemu PDV-a,
 - dokaz da su plaćeni direktni porezi (original ne stariji od 30 dana ili ovjerena kopija),

Napomena: fizička lica koja se prijave na javni oglas i koja budu izabrana kao najpovoljniji ponuđači bit će dužna registrovati djelatnost te u roku od 30 dana od dana potpisivanja ugovora dostaviti rješenje o registraciji djelatnosti, ID i PDV broj.

Svi podaci u prijavi moraju biti čitko popunjeni i bez ispravki.

8. Svi poslovni prostori se izdaju na period od 5 (pet) godina u viđenom stanju.
9. Svi ponuđači dužni su uplatiti polog/kauciju u visini od tri početne mjesečne zakupnine sa PDV-om (kako je naznačeno u tabeli) direktno na račun Grada Zenice otvoren kod BBI d.d. Sarajevo, broj: 1413555320016107, Vrsta prihoda 722642.

10. Otvaranje ponuda izvršit će Komisija dana 30.09.2026. godine 11:00 sati u maloj sali Gradskog vijeća (I sprat u zgradi Gradske uprave Zenica – nova zgrada). Otvaranju ponuda mogu prisustvovati lica koja su dostavila ponude ili njihovi ovlašteni predstavnici.
11. Grad Zenica zadržava pravo mogućnosti neprihvatanja niti jedne ponude odnosno poništavanja Javnog oglasa.
12. Kriterij za izbor najpovoljnije ponude je najviši ponuđeni iznos zakupnine po metru kvadratnom.
13. U slučaju da dva ili više ponuđača ponude istu najvišu cijenu zakupnine, Komisija će pozvati ponuđače da u roku od 48h ponude u zatvorenoj koverti novi iznos zakupnine.
14. Ponuđačima čija ponuda bude izabrana, uplaćeni polog/kaucija uračunava se u zakupninu, a ostalima se vraća, dok u slučaju da ponuđač čija ponuda bude izabrana odustane od ponude odnosno odbije zaključiti Ugovor, uplaćeni polog se ne vraća.
15. Poslovni prostori mogu se obići i pregledati svakim radnim danom u periodu od 10:00 do 14:00 sati, uz prethodnu najavu.
16. Za sve dodatne informacije ili za obilazak poslovnih prostora, zainteresovana lica mogu se obratiti Službi za privredu i gradsku imovinu na broj telefona 032/447-699 ili broj mobitela 062/997-728.

Grupe djelatnosti:

I GRUPA DJELATNOSTI: advokatski i notarski uredi, poslovanje nekretninama, banke, osiguranja, mikrokreditne i druge finansijske organizacije, turističke organizacije, hoteli i slični smještaji, ugostiteljstvo: restorani, barovi, koktel barovi, pivnice, taverne, kafane, diskoteke, zlatarske radnje, zdravstvene usluge, apoteke, PTT usluge, telekomunikacije.

II GRUPA DJELATNOSTI: trgovine, usluge, reklame i ekonomske propagande, administrativni poslovi, upravne zgrade preduzeća i ustanova, projektovanje i druge tehničke usluge, ugostiteljstvo: kafeterije, slastičarne, restorani brze hrane, buregdžinice, pekare.

III GRUPA DJELATNOSTI: knjižare, skladišta, stovarišta, izdavačke i informativne djelatnosti, galerije, izložbeni saloni.

IV GRUPA DJELATNOSTI: zanatstvo, proizvodnja, obrazovno-odgojne ustanove, političke organizacije, sportske djelatnosti (fitnes centri, teretane i sl.).

V GRUPA DJELATNOSTI: udruženja, fondacije i humanitarne organizacije, kreativne, umjetničke, kulturne i druge zabavne djelatnosti.